



010000, Нұр-Сұлтан к., Бейбітшілік к-сі, 11 үй
тел.: 55-66-31, 55-66-35, факс: 55-72-94

№
12.05.2022 № *3* ге

010000, г. Нур-Султан, ул. Бейбитшилик, 11
тел.: 55-66-31, 55-66-35 факс: 55-72-94

**Түрақты комиссияның
2022 жылғы 12 мамырдағы
қаулысы**

**Балалар мен жастардың
суицидтік мінез-
құлқының алдын алу**

Нұр-Сұлтан қаласы мәслихатының әлеуметтік-мәдени даму мәселелері жөніндегі түрақты комиссиясы (бұдан әрі - Түрақты комиссия) жергілікті атқарушы органдың балалар мен жастардың суицидтік мінез-құлқының алдын алу туралы ақпаратын тыңдал және талқыладап, төмендегіні атап өтеді.

Кәмелетке толмағандардың суицидтік мінез-құлқының негізгі себептері отбасындағы және басқа адамдармен жанжалдар, жасөспірімдер мінез-құлқының психологиялық ерекшеліктері болып табылады.

2021 жылы «Саламатты ұрпақ – нұрлы болашақ» іс-шаралар кешенін ұйымдастыру және өткізу арқылы салауатты өмір салтын насхаттау және нашақорлыққа, өзіне-өзі қол жұмсауға, сыйайлас жемқорлыққа және алайқтыққа қарсы күрес жөніндегі жоба іске асырылды.

«Астана жастары» ЖРО еріктілері «Нұр-Сұлтан қаласы Полиция департаменті» ММ Есірткі қылмысына қарсы іс-қимыл басқармасы және Криминалдық полиция басқармасымен бірлесіп, жоба аясында Нұр-Сұлтан қаласының студенттері мен тұрғындары көп жиналатын жерлерде 50 000-ға жуық ақпараттық буклеттер таратты.

«Саламатты ұрпақ - нұрлы болашақ» жобасы шеңберінде кәсіптік спикерлердің қатысуымен арнаулы орта оқу орындарының, жоғары оқу орындарының студенттері мен Нұр-Сұлтан қаласының оқушылары үшін 5 бағыт: нашақорлық, суицид, дін, алайқтық және сыйайлас жемқорлық бойынша семинар-тренингтер өткізілді. Сондай-ак, жоба аясында жастар арасында спорттық ойындар ұйымдастырылды, үстел теннисі, пейнтбол және боулинг бойынша ұйымдастырылған спорттық жарыстарға 100-ге жуық адам қатысты.

«NEET «TRANSFORMATION» санатындағы жастарды әлеуметтендіру жөніндегі іс-шаралар кешені» мемлекеттік әлеуметтік тапсырысты іске асыру шеңберінде Нұр-Сұлтан қаласы, Абай көшесі 92/3 мекенжайында орналасқан, оффлайн және онлайн-форматтарда жұмыс істейтін Жастарды қолдау орталығы құрылды.

000120

«Нұр-Сұлтан қаласының Білім басқармасы» ММ-нің 2020-2023 жылдарға арналған Бала құқықтарын қорғауды күшету, тұрмыстық зорлық-зомбылыққа қарсы іс-қимыл және жасөспірімдер арасында суицидтік мәселелерін шешу жөніндегі жол картасын іске асыру жоспары бекітілді. Ағымдағы жылдың наурыз айында Басқармада кәмелетке толмағандардың құқықтарын қорғау бөлімі ашылды. 25 білім беру үйіндегі құқық бұзушылықтың алдын алу жөніндегі менеджердің штат бірлігі енгізілді.

2021 жылғы желтоқсаннан бастап өмірлік қызын жағдайға тап болған отбасылармен жұмыс бойынша «Психологиялық сүйемелдеу қызметі» жобасын іске асыру басталды. Осы орталықтың мамандары 2 ай ішінде 25 отбасына барып шықты, заңгерлер 13 консультация, әлеуметтік қызметкерлер - 17, психологтар 15 консультация өткізді. Сүйемелдеуге 10 отбасы қабылданды.

2021 жылғы 30 сәуір мен 2022 жылғы 22 сәуір аралығында Нұр-Сұлтан қаласы ПД Жергілікті полиция қызметі басқармасы мен «Bilim Foundation» қоғамдық қоры арасында суицид жасаған кәмелетке толмағандарды оңалту жөніндегі меморандум жұмыс істеді.

Дегенмен, 2021 жылдың 12 айының қорытындысы бойынша өткен жылмен салыстырғанда қалада кәмелетке толмағандар арасында суицидтік мінез-құлқының 166,7% - га немесе 51-ден 136-ға дейін өсуі тіркелді.

Жоғарыда баяндалғаның негізінде Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы

ҚАУЛЫ ЕТТИ:

1. Балалар мен жастардың суицидтік мінез-құлқының алдын алу туралы ақпарат назарға алынын.

2. Нұр-Сұлтан қаласының әкімдігіне:

оку орындарында білім алушылар арасында әлеуметтік шиеленіс түрғысынан тұрақты негізде анонимді сауалнама жүргізу;

жергілікті атқарушы органдардың, «Astana Jastary» КММ мен басқа да ұйымдардың суицидтік мінез-құлқыты жастарды анықтау және оларға көмек көрсету бойынша өзара іс-қимыл алгоритмін әзірлеу;

сүицид мәселесі бойынша жастармен өзара іс-қимыл жасау үшін әлеуметтік желі, колл-орталық немесе өзге де платформа құру жөнінде ұсыныстар енгізу;

психологиялық көмек қызметтері, сенім телефондары, сондай-ақ оңалту орталықтары туралы баспа бұқаралық ақпарат қуралдарында, теледидарда, радиода, әлеуметтік желілер беттерінде, сайттарда контактілерді көрсете отырып, тұрақты негізде халықты хабардар етіп отыру;

қоғамда беделді орны бар тұлғаларды тарта отырып, жастар табысының он, уәждемелі мысалдарын жарияладап көрсету бойынша кешенді ақпараттық жұмыс жүргізу;

білім беру мекемелеріндегі психологиярдың саны мен қызметі, олардың біліктілік деңгейі туралы ақпарат беру;

білім беру мекемелері психологиярының, сондай-ақ жастар арасында суицидтің алдын алу жұмысына қатысы бар құқық қорғау органдары қызметкерлерінің біліктілігін арттыру бойынша шаралар қабылдау;

Салауатты өмір салтын қалыптастыру орталығына ұқсас, жалпы, объективті статистиканы жүргізетін және суидцидтің терең себептері мен қауіп факторларына талдау жүргізуге мүмкіндігі бар мекеме құру қажеттілігін қарастыру;

суицидтік мінез-құлыққа бейім жастардың критерийлерін жасау және «тәуекел топтарын» анықтау;

2022 жылғы 15 маусымға дейінгі мерзімде тұрақты комиссияның ұсынымдарын ескере отырып, бейінді мемлекеттік органдарды, психологиярды және білім беру мекемелерінің басқа да қызметкерлерін тарта отырып, жастар арасында суицидтік мінез-құлықтың алдын алу жөніндегі кешенді жоспарды пысықтап, әзірлеу ұсынылсын.

3. «Нұр-Сұлтан қаласының Білім басқармасы» ММ-не педагог-психологиярмен жасөспірімдер арасындағы суицид мәселелері бойынша кездесу ұйымдастыру ұсынылсын.

4. Бір ай мерзімде қалалық мәслихатқа осы қаулы ұсынымдарының орындалуы жөнінде ақпарат беру қамтамасыз етілсін.

**Нұр-Сұлтан қаласы мәслихатының
әлеуметтік-мәдени даму мәселелері жөніндегі
тұрақты комиссиясының төрағасы**

A. Табулдина